

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U KAKNJU
Broj: 36 0 Su 071885 25 Su 2
Kakanj, 24.02.2025.godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama Bosne i Hercegovine („Službeni glasnik Bosne i Hercegovine” broj: 39/14, 59/22 i 50/24) te preporuke Komisije za provođenje postupka javne nabavke iz Zapisnika o pregledu ponuda poslije održavanja e-aukcije broj: 36 0 Su 071885 25 Su 2 od 24.02.2025. godine, u postupku javne nabavke roba - Nabavka tonera i drumova, predsjednik suda donosi

O D L U K U
o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke i Ugovor za javnu nabavku tonera i drumova dodjeljuje se ponuđaču R&S D.O.O. SARAJEVO, adresa: Igmanska bb, Vogošća, ponuda broj: od 43/25 od 07.02.2025. godine za ponuđenu cijenu bez PDV-a 3.316,23 KM (trihiljadetrstošesnaest i 23/100 KM), kao najpovoljnijem ponuđaču nakon završetka ponovljene e-aukcije.

Član 2.

Izabrani ponuđač je dužan u roku od 7 (sedam) dana od dana zaprimanja ove odluke dostaviti originale ili ovjerene kopije dokaza o ispunjavanju uvjeta u skladu sa tenderskom dokumentacijom i datom Izjavom iz člana 45. Zakona o javnim nabavkama i novi Obrazac za cijenu ponude koji će odražavati smanjene cijene iz ponovljene e-aukcije.

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web stranici Općinskog suda u Kaknju, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama Bosne i Hercegovine.

Član 5.

Po pravosnažnosti ove odluke i u skladu sa članom 72. stav (1) Zakona o javnim nabavkama, ugovorni organ će pozvati izabranog ponuđača radi zaključenja ugovora.

Obrazloženje

Postupak javne nabavke roba za nabavku tonera i drumova pokrenut je Odlukom o pokretanju postupka javne nabavke broj: 36 0 Su 071885 25 Su 2 od 27.01.2025. godine.

Postupak je proveden putem konkurentskog zahtjeva za koji je objavljeno obavještenje o nabavci broj: 5359-7-1-1-3-1/25 objavljeno 28.01.2025. godine na Portalu javnih nabavki.

Komisija za javne nabavke dostavila je dana 14.02.2025. godine predsjedniku Općinskog suda u Kaknju Zapisnik o pregledu i ocjeni ponuda broj: 36 0 Su 071885 25 Su 2 od 11.02.2025. godine sačinjen prije održavanja e-aukcije, te Zapisnik o pregledu i ocjeni ponuda broj: 36 0 Su 071885 25 Su 2 od 21.02.2025. godine sačinjen poslije održavanja ponovne e-aukcije sa preporukom o izboru najpovoljnijeg ponuđača za predmetnu nabavku.

Komisija za javne nabavke je navela da je blagovremeno i pravilno izvršila javno otvaranje, pregled i ocjenu kvalificiranosti prispjelih ponuda u skladu sa kriterijima iz tenderske dokumentacije, o čemu je sačinila odgovarajuće zapisnike, te da je ukupno zaprimljeno pet ponuda i to sljedećim redoslijedom:

Redni broj	PONUĐAČ	SJEDIŠTE
1.	R&S D.O.O.	SARAJEVO
2.	ELKOM D.O.O.	VITEZ
3.	AM SUPPORT D.O.O.	SARAJEVO
4.	NEW TONER PRINT D.O.O.	ZENICA
5.	INTER-COM D.O.O.	ZENICA

Kopija Zapisnika sa otvaranja ponuda dostavljena je ponuđačima putem e-maila dana 11.02.2025. godine u skladu sa odredbom člana 63. stav (6) Zakona o javnim nabavkama Bosne i Hercegovine.

Nakon izvršenog pregleda i ocjene ponuda, o čemu je komisija sačinila Zapisnik o pregledu i ocjeni ponuda, proizlazi da su kvalifikovane i prihvatljive ponude ponuđača R&S D.O.O. SARAJEVO, ELKOM D.O.O. VITEZ, AM SUPPORT D.O.O. SARAJEVO i NEW TONER PRINT D.O.O. ZENICA, dok je ponuda ponuđača INTER-COM D.O.O. ZENICA ocijenjena kao nepravilna i odbačena iz razloga što ponuda ne ispunjava zahtjeve iz tenderske dokumentacije.

Odredbom člana 2. stav 1. tačka 1) alineja 3) Zakona o javnim nabavkama BiH definicija pojma „nepravilna ponuda“ određena je kao ponuda koja nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Nadalje, odredba člana 68. stav (4) Zakona o javnim nabavkama BiH propisuje “Ugovorni organ dužan je da odbaci zahtjev za učešće ili ponudu u slučajevima kad: i) ponuda nije potpuna i ne ispunjava zahtjeve iz tenderske dokumentacije”.

Uvidom u ponudu utvrđeno je da je ponuđač INTER-COM D.O.O. ZENICA pod rednim brojem 1. Aneksa 2. Obrazac za cijenu ponude ponudio zamjenski toner CRG070, koji ne ispunjava zahtjeve iz tenderske dokumentacije, odnosno broj traženih kopija (10.200). Ponuđač je ponudio artikal koji nudi manji broj kopija (3.000), dostupno na linku: [i-SENSYS LBP243dw tirtke Canon – tehnički podaci - Canon Bosnia](#).

Komisija je također utvrdila da je ponuđač INTER-COM D.O.O. ZENICA pod rednim brojem 2. Aneksa 2 – Obrazac za cijenu ponude ponudio originalni toner HP145A sa 1.700 kopija, koji ne ispunjava zahtjeve iz tenderske dokumentacije, budući da je tražen zamjenski toner sa 3.800 kopija, dostupno na linku: [Product Specifications for the HP LaserJet Pro 3003dn Printer \(3G653A\) | HP® Support](#).

E-aukcija sa kvalifikovanim ponuđačima zakazana je u skladu sa Pravilnikom o uslovima i načinu korištenja e-aukcije (“Službeni glasnik Bosne i Hercegovine”, broj 66/16) za dan 14.02.2025. godine u 11,00 sati sa predviđenim trajanjem od 10 minuta.

Međutim, zbog tehničkih problema u radu Portala javnih nabavki ponuđači nisu mogli učestvovati u e-aukciji podnošenjem ponuda. Iz tog razloga, a na zahtjev ponuđača R&S D.O.O. SARAJEVO i NEW TONER PRINT D.O.O. ZENICA, Agencija za javne nabavke BiH ponovo je zakazala termin održavanja e-aukcije za dan 21.02.2025. 13:30 sati.

Po okončanju e-aukcije u skladu sa utvrđenim kriterijem „najniža cijena“ komisija je na osnovu izvještaja o toku i završetku e-aukcije konstatovala da je e-aukcija trajala od 13,30 sati do 14,30 sati i **konačna rang lista ponuđača** koji su učestvovali u e-aukciji je sljedeća:

Redni broj	Naziv ponuđača	Konačna cijena ponude bez PDV-a
1.	R&S D.O.O. SARAJEVO	3.316,23
2.	NEW TONER PRINT D.O.O. ZENICA	3.340,92
3.	ELKOM D.O.O. VITEZ	7.690,00
4.	AM SUPPORT D.O.O. SARAJEVO	7.800,00


Imajući u vidu da je kriterij za dodjelu ugovora najniža cijena i da ponuda ponuđača R&S D.O.O. SARAJEVO nakon e-aukcije iznosi 3.316,23 bez PDV-a, ista je ocijenjena kao najpovoljnija ponuda.

Komisija za javne nabavke je dala preporuku predsjedniku suda da donese Odluku o izboru najpovoljnijeg ponuđača i dodijeli ugovor ponuđaču R&S D.O.O. SARAJEVO.

Pri donošenju ove odluke posebno su cijenjene činjenice da je komisija pravilno i potpuno izvršila ocjenu kvalificiranosti ponuđača, te da nisu utvrđene nepravilnosti ili propusti u radu, koji bi eventualno bili razlog za neprihvatanje preporuke Komisije za javne nabavke.

Uzimajući u obzir da je komisija u cjelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, odlučeno je kao u dipozitivu odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine putem Ugovornog organa u roku od 5 (pet) dana od dana prijema ove odluke.



Predsjednik suda

Eldar Zaimović

Dostaviti:

1. AM SUPPORT SARAJEVO., info@amsupport.ba
2. R&S d.o.o. Sarajevo, ris@ris.ba
3. ELKOM d.o.o. Vitez, nabava@elkomvitez.com
4. NEW TONER PRINT d.o.o.Zenica., newtonerprint@hotmail.com
5. INTER-COM d.o.o. anita@inter-com.ba
6. a/a